

## Trosolwg

Mae'r safon hon yn ymwneud â chyfathrebu a chydweithio gyda chydweithwyr fel y Cyfarwyddwr Ffotograffiaeth a'r Cynorthwydd Cyfarwyddo 1<sup>af</sup> cyn ac yn ystod y ffilmio. Mae hefyd yn ymdrin â thrafod a chytuno ar ofynion goleuo, rhannu'r rhain gyda'r tîm a chynnig datrysiadau cadarnhaol i broblemau a all godi yn ystod y ffilmio.

Mae'r safon hon hefyd yn ymwneud â mynychu cyfarfodydd er mwyn gofalu caiff gofynion trydanol eu cofnodi ac y caiff unrhyw newid a'u goblygiadau o ran goleuo eu hystyried.

Mae'r safon hon ar gyfer y rheiny sy'n gweithio fel Giaffars.

## Meini prawf perfformiad

### *Rhaid i chi allu:*

1. trafod y gofynion goleuo a thrydanol gyda'r bobl berthnasol a'r Cyfarwyddwr Ffotograffiaeth neu ddeiliaid swyddi tebyg cyn ac yn ystod ffilmio
2. gofalu caiff eich swydd ei chyflawni gan y 'Best Boy' neu gydweithiwr wedi'i enwebu yn eich absenoldeb
3. cynnig awgrymiadau cadarnhaol mewn trafodaeth ynglŷn â goleuo a thrydan gyda'r Cyfarwyddwr Ffotograffiaeth ac eraill
4. gofalu bod eich awgrymiadau'n ddichonol yn dechnegol ac yn cydymffurfio gyda'r gofynion iechyd a diogelwch
5. gofalu bod eich awgrymiadau chi'n bodloni gofynion y Cyfarwyddwr Ffotograffiaeth ac o fewn y gyllideb goleuo. Hefyd gofalu bod cyfarpar ac arbenigedd trydanol ar gael ac wrth law er mwyn cyflawni awgrymiadau o'r fath
6. mynychu cyfarfodydd y cynhyrchiad er mwyn gofalu y caiff gofynion goleuo a thrydanol eu trafod a'u cytuno
7. cofnodi penderfyniadau a gofalu y caiff unrhyw newidiadau i ofynion yr amserlen a'r cyfarpar eu rhannu gyda'r 'Best Boy' a'r cwmni cynhyrchu a goleuo.
8. ymgynghori gyda'r tîm cynhyrchu ynghylch awgrymiadau i ddatrys problemau

## Gwybodaeth a dealltwriaeth

*Mae angen i chi wybod a deall:*

1. cwmpas, math a therfynau amser y cynhyrchiad
2. gofynion goleuo a thrydanol y cynhyrchiad
3. y dull creadigol gofynnol gan y Cyfarwyddwr Ffotograffiaeth neu ddeiliaid swyddi tebyg ar gyfer y cynhyrchiad
4. mathau o ddatrysiadau i'w hawgrymu sy'n cyd-fynd â'r cyfarpar a'r arbenigedd gallwch fanteisio arnyn nhw
5. pwysigrwydd cyfathrebu gydag eraill, fel y 'Best Boy', ynghylch newidiadau a deilliannau cyfarfodydd y cynhyrchiad
6. pwysigrwydd trefnu bod rhywun i gyflawni'ch gwaith yn eich absenoldeb a gofalu bod y rheiny sy'n cyflawni'r cyfrifoldebau o'r fath yn ymwybodol o'r cyfyngiadau ynghlwm â'u cyfrifoldebau
7. pwysigrwydd cydymffurfio gyda gofynion iechyd a diogelwch
8. pwysigrwydd cadw cofnodion
9. buddion ymwneud gyda'r tîm cynhyrchu pan fyddwch yn trafod datrysiadau i broblemau

Cydlynu cyfathrebu yn ymwneud â goleuo'r cynhyrchiad

<b>Datblygwyd gan</b>	ScreenSkills
<b>Dyddiad cymeradwyo</b>	30 Maw 2020
<b>Dyddiad Adolygu Dangosol</b>	31 Maw 2024
<b>Dilysrwydd</b>	Ar hyn o bryd
<b>Statws</b>	Gwreiddiol
<b>Sefydliad cychwynnol</b>	ScreenSkills
<b>RCU gwreiddiol</b>	SKSL15
<b>Galwedigaethau perthnasol</b>	Y Cyfryngau a Chyhoeddi, Y Celfyddydau, Y Cyfryngau a chyfathrebu, Crefftau, y celfyddydau creadigol a dylunio, Y Celfyddydau Perfformio, Crefftau Medrus Heb eu Dosbarthu mewn Man Arall, Galwedigaethau â Chrefftau Medrus
<b>Cyfes/Set</b>	Goleuo ar gyfer Ffilm a Theledu
<b>Geiriau Allweddol</b>	gofynion goleuo; cyllideb; cyfathrebu ynghylch goleuo'r cynhyrchiad; gofynion trydanol; gofynion iechyd a diogelwch; amserlen; cadw cofnodion